



**Jacobi Alvarez de Paz Opera**

De Exterminatione Mali, Et Promotioне boni - Libri quinque

**Álvarez de Paz, Jacobo**

**Lvgdvni, 1613**

De mirabili tranquillitate Obedientium. Cap. 15.

---

[urn:nbn:de:hbz:466:1-77843](#)

obediens, qui loquitur victorias multiplices, quas de suis hostibus acquisivit? Non incongrue sanè ita intelligemus. Cum enim vincenti absolvitur, & non vincenti hæc aut illa præmiorum genera; hæc eximia præmia promissa sunt; illi promissa videntur, non qui in hoc bello vicit, & in illo vicitus est, sed qui omnes hostes vicit, & in cunctis conflictibus vicit equaliter. Is autem non est alius, quām qui ad Deum, & maiores suos perfectam obedientiam tenuit. Hic ergo multiplices victorias loquatur, & leproplex præmium reportet. Illi datur, vt Christum vitæ lignum in suavitate manducet, & æternam damnationem ignorat: vt puritate datus arcana diuina cognoscat: vt suis appetitionibus dominetur: vt in hac vita virtutibus & in futura virtutum præmis cum honore vestiatur: vt alios instar colunæ, verbo & exemplo sustentet: vtque tandem cum Christo obedientium capite in perpetuum regnet. Hæc igitur sunt obedientiū præmia, ha multiplices ipsorum victoriae, quibus ad illas diuitias possidendas perueniunt, vt quia quod ad Dei laudem ore loquuntur, opere perfecerunt, tam perfecti operis mercem consequantur.

### De Mirabili tranquillitate Obedientium.

#### CAPVT XV.

**V**ICTORIA sequitur pax, & tranquillitas animorum, qua victores sibi repugnantes omnino subiiciunt, & interna serenitate latentur. Quare si obedientia de hostibus victorianam afficitur, non nimirum si pacem & tranquillitatem efficiat. Et sanè in hac vita obedientiæ præmium est pax, & quietus animi, incomparabilisque serenitas, quam illi habent, qui sponte iugum obedientie sufficiunt. Ponamus pacem dupli ratione turbari, aut quia aliquis maiori repugnat, aut quia inferiori sibi contradicunt non imperat, cùm illum compescere, & in debita subiectione continere non possit. Si autem quis & superiori pareat, & ab inferiori debitam subiectione accipiat, perpetua quadam tranquillitate cumulabitur. Hæc duo secum afferunt obedientiam Deo nos & superioribus subiicit, & ab his quæ infra nos sunt, nimirum à viribus, & appetitionibus nostris, perfectam subiectiōnem extorquet. Nam iudicio nostro frānum iniicit, ne contra mandata prælatorum aliquid fentiat: voluntatem cohibet ne opposita his, quæ in iuncta sunt, cupiat: appetitum continet, ne in pericolosam libertatem diffluat: corpus demum ad imperata exequenda applicat: & ita cùm ipsi maioribus pateat, & illi universæ nostræ vires obedientiæ, non est vnde turbacionem pertimescat. Profectò ita experimur animos perfectè obedientium lata quadam serenitate pacatos; & ab omni spiritus perturbatione sciunctos. Quibus obedientiæ pro tribulatione data est, vt dum per viam tribulationis in Dei regnum non vadant, sciant, quia per viam obedientiæ, quæ securissima est, & plenissima iucunditatis, incedunt. Scriptum quidem est: Omnes, quia piè volunt vivere in Christo Iesu, persecutionem patientur: ] Et, quoniam per multas tribulationes oportet nos intrare in regnum Dei. ] Et: Nonne oportuit Christum pati, & ita intrare in gloriam suam? Sed veri obedientes quasi his legibus eximuntur, quibus, obe-

A dientia ipsa pro persecuzione, & tribulatione, ac martyrio decernitur. Obedientia enim proprium iudicium, & propriam voluntatem, cunctorum origines malorum, persequitur: corpus ipsum pīs obsequiis quasi tribulationibus atterit, & amorem proprium nobis usque ad mortem insidiante occidit. Quid magnum si ipsa vicem persecutionum, & tribulationum, & martyrij supplet: nōque lætus & tranquillos in patriam æternam perducat? Immo sicut qui iustior est, eo est tribulationibus ditor: Nam, [ Multæ tribulationes iustorum, ] Et omne gaudium exultat fratres, cùm in variis tentationes inciderit: ] Ita qui obedientiæ est, hoc ipso etiam est tranquillitate, locupletior: quoniam obedientia pro tribulatione habita non turbationum stimulos, sed quietis flores importat.

Dorotheus rerum spiritualium magister peritissimus aperte fatetur, tranquillitatem animi ex obedientia manare: Obedientia, ait, factum est ( credite quod dicam fratres) vt in tanta semper quiete & securitate esse, vt plerunque permanenter metantæ tranquillitatis. Enarratisque, tum responsione cuiusdam superioris, qua dictum est illi, obedientiam vicem tribulationum gerere; tum visione quadam sua, qua Angelus illum ex magna tristitia ad incredibilem exultationem eduxit, hæc subdit: Hæc vobis dixi, fratres, volens ostendere quam securitatem, quam quietem habeat, tranquillitatē, que nullus in te scipsum instituere, sed omnia sua ad Dominum referre, & in eos, qui post Deum possunt nos regere. Dicite igitur interrogare, dicite vos ipsos non regere, quam bonum sit. Hoc enim humilitas, hoc quietus, hoc gaudium est. ] Merito vero hic beatus vir obedientiæ humilitatem, quietem, ac gaudium attribuit. Nam nec obedientia potest ab humilitate fecerini, cùm sit quædam inferioris ad superiorem subiectio; nec potest, à quiete diuelli, cùm sit iudiciorum, & voluntatum maioris minorisque coniunctio: nec potest à gaudio sciungi, cùm conscientia nostra semper à hoc gaudet, quod a sensu reæ rationis inhæreat. Quid autem ratione conformius, quām vt inferior suo maiori subdatur? In tantum certè quietis mentis ab obedientia dependet, vt hæc nihil aliud, si rectum præcipit, quām ipsam quietem tranquillitatemque præcipiat. Dixit Dominus mati: Tace, obmutesc: & statim tacuit, atque obmutuit, & cessauit ventus, & facta est tranquillitas magna.] Et similiter ait prælatus subdito, qui non aliter cogitationibus, aut fluctuationibus mentis suæ, quam vento mare turbatur: Tace, obmutesc: & è vestigio illa fluctuatione cogitationum cessat, & tranquillitas mentis occupat. Quanam ratione hoc contingat, explicemus. In hoc enim miraculo Domini vitam religiosam esse depictam venerabilis Beda non incongrue proficitur. Et nos quoque singuli, ait, cùm signo Dominicæ crucis imbuti sæculum relinquere disponimus, nauem profectò cum Iesu condescendimus, mare transire conamur. Sed qui non dormitabit, neque dormierit. ] Israël custodiens semper, nobis tamen sœpe nauigantibus quæ inter æquoris fremitus dormit, quando crebescente inter medios virtutum nisus, vel immundorum spirituum, vel hominum prauorum, vel ipso nostrarum cogitationum impetu, fidei splendor obtenebret, amoris flamma refrigescit. Sic ille. ] Religiosus igitur cùm vitam spiritualem inchoat à terra in cælum in ligno crucis enauigat. In hoc decursu maris sœuam tempestatem paucit, dum à suis cogitationibus, & desideriis ad varia

Pf. 3. 10  
Iaco. 1. 2.

Dorothe.  
Dicit. 5.

Marc. 4.  
33.

Beda lib.  
2. in Mar.  
6. 1.

Isa. 5.  
27.

studia

*Iosue 12. 2.4.*  
studia permutetur. At si periculum aduentens ad prælatum vicem Domini tenetem accurat, si ab eo quid sibi faciendum, quid omittendum sit audit, quasi illam vocem excipit: [Tace: obmutescere:] quia illud audit, quo propria desideria, & cogitationes euanscent. Si vero intellecto imperio, maioris iudicio, & voluntate & actione pareat, iam verè tacent varia cogitata, ohmutescent inania desideria, & cordis sequitur mira tranquillitas.

Obedientia ergo quies mentis, & obedire quiescere est, nec poterit mentem pacatam possidere, qui varios ad non obediendum, & suo arbitrio viuendum, prætextus obtenderit. At qui perfectæ obedientia se dederit, hic tranquillitatem, & in futura vita tentorum gloriae obedientibus preparatum inueniet. Quidnam dixi Iosue Rubenitis, & Gaditis, postquam terram Israëlitum promissam expugnauit? [Fecistis omnia, quæ præcepit vobis Moses famulus Domini, mihi quoque in omnibus obediisti. Quia igitur dedit Dominus Deus vestri fratribus vestris quietem, & pacem, ite in tabernacula vestra, & in terram possessionis, quam tradidit vobis Moses.] Rubenitæ, & Gaditæ emarginates sunt obediendum, quia sicut illi priores, suorum laborum filios, id est, fructus, vident, & spe felicitatis gaudent. Hi fratres suos ad capiendam terram promissam, id est, cœlum diripiendum, verbo & exemplo iuvant. Et quia obedierunt Moyse, & Iosue, nimis prælati suis, pacem, & quietem primò, deinde, ut in carcerem tabernaculum eant, facultatem acquirunt. Ibi eam partem terræ viueatium possidetur, quam in hac vita possegerimus, & desideris à Domino postularunt. Dilige ergo, o iuste, obedientię viam, si mentis tua quietem diligis, quia non alia via ad quietem quam obedientia perveries. Nam si vera sapientia non est alia, nisi quæ in nobis infert custodiā mandatorum, & hæc ab obedientia sciungi non potest, quis non videat, quæ sapientia dicuntur, ad obedientiam posse transfigi? Inuestiga igitur illam (cognoscendo natum, & gradus illius) & manifestabitur tibi, & continens factus ne derelinquas eam: in nouissimis enim inuenies requiem in ea, & conuertere tibi in oblationem. ] Fortassis cum obedientia viam ingredi cœperis, aspernum tibi videbitur alterius arbitrio viuere, & propriam relinquere voluntatem. At cum paululum affueris, requiem in exequenda voluntate alterius, & voluntatem in nobilissima hæc seruitute reperies. Erunt tibi compedes eius in protectionem fortitudinis, & bases virtutis: & torques illius in stolam gloriae. Videbuntur tibi obedientia opera quasi compedes iniecti pedibus tuis, qui te ligant, & reddunt infirmum; at re vera sunt firmamenta virtutis, quibus robustus & validus contra adversarios efficeris. Apparebit primo aspectu subiectio quasi res vilis, & propria seruorum: sed si introrsus inspicias, videbis eam esse instar torquis ex gemmis & lapidibus pretiosis compacti, quo filii principum vtuntur ad gloriam. Sic Egidius Beati Francisci filius de obedientia sentiebat, cui cum data esset facultas à beatissimo Patriarcha eundi quod vellet, ille post dies nullam requiem spiritus inueniens ad requiem, & ad exultationem animi, nempe ad exquisitam in omnibus obedientiam tenendam, repedauit. Enīque patrem rogauit, ut sibi & locum, & cœnobium, & occupationem præscriberet, ne merito, & quiete, & gloria perfectæ obedientia caret.

Hanc mentis tranquillitatem Dominus ipse obe-

*A* dientia promisit, dicens: [Tollite iugum meum super vos, & discite à me, quia mitis sum & humilis corde, & inuenietis requiem animabus vestris.] Ad iugum admittendum horatur, & in præmium requiem pollicetur. Quodnam est iugum, quod ipse Dominus Maiestatis suum vocat, quasi ipse liber est iugo portando subdatur? Per iugum omnes Euangeliū, & legem Christi, per obedientiam custoditam, & operi mandatam, intelligunt. Obedientia itaque quæ mandata à Deo vel à præpositis vice Dei imposta fuerat, iugum est. Iugum, quod Christum, & animam religiosam iungit, ut idem onus simul ferant. Iugū potius Christi quæ animæ: [Tollite, inquit, iugum meum,] quoniam ipse gratia sua totum onus fert, ut fere nihil oneris anima sentiat. Iugum suave, & onus leue, quia à Christo benignissimo principe, & à prælatis vicem eius gerentibus, & imitatoribus sua benignitas, imponitur. Leue, quia nostræ imbecillitatæ, & sape nostra naturali propensioni se accommodat: quia non ex timore, sed ex amore prælati, & rei imperiæ subscimus, non vi sed sponte ducimus, non soli ad ferendum relinquimus, sed potentissimo Dei auxilio iuuamus. Iugum tandem suave, & onus leue, quoniam dum onerat, non premit, sed tranquillitatem & multiplicem consolationem cōfert. Ut enim scribit Dionysius Richelius: obedientibus, & veris religiosis dat Deus multiplicem consolationem, mentis tranquillitatem, conscientię serenitatem, & copiosum in omni gracia & virtute profectum. Etenim quanto plus amore Dei spernunt, ac vitant solita catnalia, & mundana, & timorati sunt, & iugis cordis custodia, tanto copiosius promovet consolationes spirituales, internas, diuinæ. Detalibus quippe Propheta loquitur Deo: Quæ magna multitudo dulcedinis tua, Domine, quam abscondidi timenteribus te: perfecisti eis, qui sperant in te, in conspectu filiorum hominum. Proteges eos in tabernaculo tuo à contradictione linguarum. Abfondes eos in abfondito faci ciuitate à conturbatione hominum. ] Hac ille. ] Si ergo præmia magnos etiam labores superant, & ad ardua & difficultia aggredi a roborant; quare non ad perfectæ obedientiam incitabimur, ut tam eximum præmium cōparemus: Est enim quies mentis, finis laborum, lectulus floridus voluptatis, pro qua adipiscenda vniuersa creata mouentur, & nunquam cessant, donec in suo fine cuius gratia condita sunt, suam requiem cōsequantur. Hanc per obedientiam consequi certè magnum est, non tam mirum, quia obedientia ad Deum nostrum finem perducimur, in quo solo verè quiescimus. Ipsum autem ad illum duci, & per obedientiam subici, initium est illius vita, quam speramus, & quies huius vita in qua nunc laboramus; quia nunc non in alio valemus quiescere, nisi in eo, quod paret nos ad æternam requiem leuare.

Et quidem ideo à nobis Deus obedientiam exigit, ut per illam ad animi dulcedinem & tranquillitatem ducat. Quod Sanctus Paulus illis verbis edocuit: Dulcis & rectus Dominus: propter hoc legem dabit delinquentibus in via. ] Quia, inquam, dulcis & rectus est, ideo peccatoribus legem dedit, ut per obedientiam eius, non solùm ad rectitudinem animi, sed etiam ad dulcedinem ducerentur. Quid enim Deus intendit, nisi nos lapsos à peccatis abducere, & ad sui similitudinem reuocare? Ipse rectus est. Vult ergo ut recti simus, & ab obliquitate peccatorum alieni. Ipse dulcis est. Vult ergo ut spiritum dulcem, id est, quietum, tranquillum,

*Matt. 11. 30.*

*Dionys.*  
*opusc. de*  
*professio.*  
*memor. art. 14.*

*Psal. 30.*  
*20.21.*

*Psal. 24.8*

1647

nulla turbationis amaritudine infectum habeamus. Vtrumque autem obedientia sua legis præstat, vt sicut ipsa obedientia mandatorum reges nos facit, ita & in præmium recompensis quietos efficiat. Quo autem haec obedientia crescit, & ad quoque prælatos proper Deum se demittit, & ad quæque minima præstanta se extendit, eo necesse est, maiorem ab ea tranquillitatem emanare. Voluntas quippe nostra seminarium est turbationis nostra, origo inquietudinis, arque initium tristitia. Quo autem obedientia exquisitor est, & subiectio perfectior, eo amplius propriam voluntatem eliminat, & cor nostrum menteque tranquillat. Id profecto significare videntur illa Isaiae verba: Domine dabis pacem nobis, omnia enim opera nostra operatus es nobis. ] Quid est: opera nostra operatus es nobis? nisi tu Domine per gratiam tuam illuminas nos, & adiuvas infirmitatem nostram, vt te sequi, & legem tuam custodire, & tuis iussis obedire possimus? Tudas nobis velle, & perficerem pro bona voluntate tua, & vt operemur operaris in nobis. Hinc vero proueniet ut impertias pacem nobis. Nec enim pacem & cordis tranquillitatem adipisceremur, nisi opera tibi placita exequeremur, & nisi tu opera nostra gratia adiuuante perficerem. Tranquillitas itaque mentis verè ab obedientia procedit. Et inde est, ut qui perfectionem obedientia experti sunt, magis in dies eius amore ardeant, ac exequitione flammescant. Dicunt illi: Viam mandatorum tuorum cucurri cùm dilatasti cor meum. ] Ac si dicarent: antequam lætitiam & tranquillitatem Domine, ex custodia tue legis exortam experiremus, ambulabamus quidem legnes, & non modican in quocumque opere difficultatem sentiebamus. At postquam obedientia, & legis custodia, nos tranquillitate & exultatione repleuisti, iam ipsa lætitia animati non segniter ambulamus, sed velociter currimus, vt cito ad metam, scilicet ad perfectionem, accedamus. Maneat igitur, perfectis obedientibus cordis tranquillitatem in præmium dati: quare si volumus mente quietere, & à perturbatione alieni esse, perfecta, & omnino dæ obedientia nos tradamus. Hæc est enim quæ dubitationes excutit, à perplexitatibus liberat, & omnem cordis perturbationem amandat.

## De Magnâ gloriâ paratâ obedientibus.

## CAPUT XVI.

**D**VPLEX præmium propositum, victoria scilicet & pax in hac vita obedientibus datus, terrum vero in futuram vitam promittitur. Illud autem est incomparabilis gloria, & felicitatis sublimitas, qua cumulati de custodia subiectione vehementer exultant. Quanta autem sit hæc gloria, licet aperte non cognoscamus, ex multis licet colligere. Atque illud primum sit, soli obedientia vitam æternam esse promissam. Adolescenti enim interroganti: Quid faciendo vitam æternam possidebo? responsum est. Si vis ad vitam ingredi, scilicet mandata. ] Nullus vero ignorat, opus obedientia esse custodiæ mandatorum. Et postea: Venite benedicti patris mei, possidete paratum vobis regnum à constitutione mundi. ] Esuriri enim, & dedicari mihi manducare, ] & cetera, quæ sequuntur. Hæc autem mandata esse propter quorum obedientiam iusti cœlestem gloriam obti-

A nebunt, nemo potest ignorare. Si igitur communis obedientia ad quam vniuersi tenentur, gloria promittitur, obedientia perfectissima, & exquisitissima, quam religiosi profitentur, quæque se totos Deo consecrant, maior & copiosior gloria promitteret. In terrena republica præmium militibus vincentibus, & duci totum exercitum gubernanti, & vincenti, & cunctos ad victoriam dirigenti decreta est. Sed manifestum est discrimen inter præmium, & premium. Illud est magnum, stud maius: illud pretiosum, istud vero multo pretiosius, & excellentius, ipsa iustitia exigente, vt qui plus laborauit, amplius recipiat. Ita communes obedientes, quales reputamus omnes iustos, sunt veluti milites: qui vero perfectam vitam artipiunt, & per obedientiam, se totos, & omnia sua Deo dedicant, sunt veluti duces, qui reliquos exemplo præcunt, & suis magis laboribus communes iustos ad paruos saltus labores superando alludent. Quid mirum si in regno cœlesti sublimiores sedes obtineant? Ideoque possessio æterna gloria merces vocata est, quia non inani affectu aliquius terreni regis, sed voluntati iusti Dei, & maiori, aur minori labori respondet. Redde, inquit, illis mercedem, incipiens à nouissimis, & que ad primos.] Nec nos moueat, quod nouissimi in acceptance denarij primis præferuntur. Hoc enim ideo factum est, quia nouissimi una hora plusquam alii tota die laboraverant, & ille, qui pollicitus est: [quod iustum fuerit dabo vobis,] iustum reddidit, n. 4. cum plus modico tempore laborantes ceteris tepide viventibus anteposuit. Ac proinde si maior est perfectorum obedientium labor, & pretiosior ipsorum oblatio, & quoniam est ut gloriam copiositer accipiant.

Deinde hæc obedientium gloria eximia ex alio capite etiam eluet, nimurum ex cognitione obedientia, & charitatis, quæ tanta est, vt fortè maior esse non possit. Nemo enim charitatem erga Deum, & proximum, sine obedientia mandatorum feruabit, & nemo perfectam virorum spiritualium obedientiam, quam hic tractamus, sine charitate custodier. Quod ut confirmaret Dominus, eam non per aliud quam per obedientiam describere voluit. Qui diligit me, inquit, sermonem meum se habbit. ] Illum quidem sermonem, qui eius legem ac mandata comprehendit. Et iterum: Ut cognoscatur mundus quia diligo patrem, & sicut mandatum dedit mihi pater, sic facio. ] Ad quid ista dilectionis, & obseruantia mandatorum coniunctio, nisi ut pateat nec charitatem sine obedientia, nec perfectam ac Deo placitam obedientiam sine charitate posse confondere? Charitas autem præcipua virtutum, earumque regina, talis natura est, vt pro mensura eius maior aut minor in cœlesti patria coique gloria proueniat. Cum patrua charitate decedis, parua tibi gloria præbebitur: cum magna charitate hinc emigras, magna in cœlo tibi gloria tribuerit. Nunc perfectissimam, & quæ sanctitas dici mereatur, charitatem habes: si ab ea non excedis, eximiam etiam beatitudinem poteris expectare. Charitas est instar pecunia, quia sancti in illo cœlesti foro suam felicitatem mercentur. Vt quemadmodum qui modican pecuniam ad forum accedens secum defert, rem partui valoris potest emere; qui vero magnam vim aut & argenti possidet, res pretiosissimas emptione conquireret; ita secundum magnitudinem charitatis iusti glorie mensuram accipient. De peccatrice muliere daturi est à Domino: Remittuntur ei peccata multa, quoniam

Ioh. 26. 12.

Psal. 118.  
32.Matt. 19.  
17.Matt. 26.  
34.Matt. 10.  
8.Ioh. 14.  
23.Ioh. 14.  
31.Luka 7.  
47.